

tentiam cognoscendi eo verbo expressit Virgo Deipara: *Virum non cognosco*; quo pacto Abstemius ait, *vinum non bibo*, hoc est, bibere non possum; & cæcus, *lumen cæli non video*, hoc est videre non possum. Hucusque Serry. Et hoc pacto etiam intellexerunt Patres Ecclesiæ votum virginitatis a Deipara emissum in antecessum; hoc est, collegerunt ex præfato responso Virginis ad Angelum, qui eam salutabat. Proinde ex Patribus hisce hanc aliam subiungimus probationem.

IV. Probatur. Gregorius Nyssenus orat. in diem natalem Christi, Virginem, hæc verba loquentem, inducit: *Interdixi mihi consuetudinem viri, quomodo istud erit mihi, quoniam virum non cognosco? Quia carnem Deo consecratam, tanquam sanctum aliquod oblatum munus, oportebat intactam, integramque præstare: idcirco licet, inquit, Angelus sis; licet e cælo venias, licet id, quod ostenditur, naturam superet humanam; tamen me virum cognoscere, nefas est. Ideo nefas virum cognoscere, quia nefas votum violare; ideo consuetudinis viri interdictio, quia Deo carnis facta fuerat consecratio; & ideo Deo carnis facta consecratio, quia præcesserat voti virginitatis emissio.* Augustinus lib. de S. Virginitate cap. 4. *Ipsa quoque virginitas Mariae ideogrator, & acceptior, quia non eam Conceptus Christus, viro violaturo, quam conservaret ipse, & præripuit; sed priusquam conceptetur jam Deo dicatam, de qua nasceretur, elegit. Hoc indicant verba, quæ sibi factum nuntianti Angelo Maria tradidit: Quomodo, inquit, fiet istud, quoniam virum non cognosco? Quod profecto non diceret, nisi Deo Virginem se ante vovisset. Sed quia hoc Israelitarum mores adhuc recusabant, desponsata est viro iusto, non violenter ablaturo, sed potius contra violentos custodituro, quod illa jam voverat. . . Virginitatem Deo dicavit, cum adhuc quid esset conceptura, nesciret, ut in terreno, mortali que corpore celestis vita imitatio, voto fieret, non præcepto; amore eligendi, non necessitate servandi.* Bernardus serm. 4. super missus est: *Non querit, an fiet istud, sed quomodo? Quasi dicat: Dum sciat Dominus meus, testis conferentia mea, votum esse ancilla sua, non cognoscere virum; qua lege, quo ordine placebit ei, ut ne fiat istud? Si oportuerit, me frangere votum, ut pariam talem filium, gaudeo de filio, & doleo de proposito.* Et serm. 4. de Assumptione testatur, B. Virginem verbis illis indicasse immobile propositum castitatis. Anselmus homil. in illud Lucæ

P. R. IV.

10. *Intravit Jesus in quoddam Castellum, dicit, B. Virginem fuisse miratam, quia certissime sciebat, nunquam virum cognituram; & hoc ipsum per divinam revelationem cognovisse: & in lib. de Excellentia Virginis cap. 4. apertius loquitur de voto, afferens, Deiparam Virginitatem suam Deo consecrasse. Beda in cap. 1. Lucæ; Quomodo fiet istud, quoniam virum non cognosco? Propositum suæ mentis reverenter exposuit, vitam, scilicet, virginalem se ducere, decrevisse: Quæ, quia prima feminarum tanta se virtuti mancipare curavit, iure singulari præ cæteris feminis beatitate meruit excellere.* B. Edmerus lib. de excellentia B. Virginis cap. 4. *Ubi tam sanctam intentionem ejus, tam castum propositum ejus vidit, misericordie suæ intuitu egit circa illam, ut nec sanctitas intentionis ejus frustraretur, nec castitas propositi ejus violaretur. Dedit ergo illi, ut & Virgo, quod magis optabat, permaneret, & secunda fieret.* Arnoldus Abbas in laudatione B. Virginis: *Credo, secum pertractabat, quomodo sine offensione legis maneret in proposito castitatis: quia bana elegerat, hanc Deo voverat, & integritatem carnis, ac spiritus apud se Domino consecraverat.*

V. Probatur a Suarez, B. Virginem a principio usus rationis habuisse absolutum, & firmum propositum servandi perpetuam Virginitatem. Primo, hoc ait, esse de mente S. Thomæ, quia asserit, B. Virginem semper habuisse virginitatem in desiderio; sed non loquitur Angelicus de imperfecto desiderio, qualis est velleitas, sed loquitur de voluntate deliberata, & de efficace amore castitatis, quod erat ex parte Virginis; & dum dicit semper, intelligit omne tempus, quo B. Virgo vixit, & fuit rationis compos: ergo ex S. Thomæ primum propositum virginitatis in B. Virgine fuit, statim ac rationis compos effecta est; Sed aliunde nos probavimus, hoc fuisse in utero matris: ergo &c. Secundo, B. Virgini tribuere debemus perfectissimum castitatis, & Virginitatis gradum; sed ad hanc perfectionem spectat perpetuum servandæ virginitatis propositum: ergo &c. Tertio, si pro aliquo instanti non fuisset in B. Virgine virginitatis propositum, non fuisset in illo instanti mota a Spiritu Sancto ad amandum, & perficiendum id, quod erat melius, & Deo gratius, sed Virginitas de se est melior, & Deo gratior, ut habetur ex 1. ad Corinth. 8. ergo &c.

VI. Probatur, Virginem misisse virginitatis

L. 2

votum